

07.00.00 ისტორიული მეცნიერებანი HISTORICAL SCIENCES

დავით მალაზონია

XIX საუკუნის მეორე ნახევრის ქართული ისტორიოგრაფია და ქართველი ხალხის ეთნოგენეზის საკითხები

Резюме

David Malazonia

GEORGIAN HISTORIOGRAPHY OF THE SECOND HALF OF THE 19<sup>TH</sup> CENTURY AND THE QUESTION OF ETHNICGENESIS OF THE GEORGIAN PEOPLE

*In this work it is discussed the considerations of georgian and foreign scientists of the 2nd half of the 19th century about Georgian tribes' ethnogenesis and the places where they lived in the ancient period. This question had significant political meaning against Russian tsarism, which tried to oppress all not Russian nations' present and history. On the basis of many-sided scientific facts it becomes more realistic the idea about Georgians' aborigines.*

Резюме

Давид Малазониа

ГРУЗИНСКАЯ ИСТОРИОГРАФИЯ ВТОРОЙ ПОЛОВИНЫ XIX ВЕКА И ВОПРОСЫ ЭТНОГЕНЕЗА ГРУЗИНСКОГО НАРОДА

*В работе рассмотрены соображения грузинских и иностранных исследователей второй половины XIX века относительно этногенеза и прародины грузинских племен. Этот вопрос имел и значительную политическую нагрузку против российского царизма, всячески унижавшего и современность, и историю нерусских народов. На основе многосторонних научных данных более достоверным представляется положение об автохтонности Грузии.*

ქართველი ხალხის ეთნოგენეზის, მისი წარმომავლობისა და განსახლების თავდაპირველი არეალის დადგენით აქტიურად ინტერესდება XIX საუკუნის ქართული ისტორიოგრაფია. ამ პრობლემას განსაკუთრებულ სიმწვავეს ანიჭებდა თვითმპყრობელობის მხრიდან ჩვენი ისტორიის გაბიაბრუების მუდმივი ცდები. აქტიურად გამოიკვეთა „გენეალოგიური საკითხის“ კვლევა, რაც, ფართო გაგებით, ცალკეული ხალხების წინაპართა დადგენას, მათი გენეზისის კვლევას ნიშნავს.

თავიდან, როგორც წესი, ამ მიზნით ბიბლიური მონაცემები გამოიყენებოდა, ხდებოდა ხალხების (ტომების) პერსონიფიცირება, მათი დაკავშირება ბიბლიურ პერსონაჟებთან.

დიდი მნიშვნელობა ენიჭებოდა პირველსაცხოვრების ანუ იმ ტერიტორიების გარკვევას, სადაც ხალხის ჩამოყალიბება უნდა მომხდარიყო. ძირითად წყაროს ამ თვალსაზრისითაც ბიბლია წარმოადგენდა, კონკრეტულად კი – „ქართლის ცხოვრების“ მისგან მომდინარე გენეალოგიური სქემა.

ამგვარი მსჯელობის ტიპურ მაგალითს წარმოადგენს დავით ბატონიშვილის დასკვნა: „ყველაზე ადრე საქართველოში დასახლდა მისი დამაარსებელი ქართლოზი. . . ქართლოსის ჩამომავლობა მომდინარეობს ნოეს ძეთა, სემისა და იაფეტის გვარიდან“. მროველისეული კონცეფციისაგან პრობლემის რამდენადმე განსხვავებულ ინტერპრეტაციას გვაძლევს ვ.ბაგრატიონი. მას ქართლოსი ქართველ ტომთა მმართველად, „ქართველთა სჯულმდებლად“ აყავს წარმოდგენილი და არა ბიბლიურ პირად ან ხალხის მამამთავრად, რომლის პიროვნებაც მომდევნო ხანის საისტორიო ტრადიციას ეთნოსის საწყისად მიუჩნევია.

ქართველთა ეთნოგენეზზე საუბრისას თ.ბაგრატიონთან პირველად ვხვდებით ანტიკური ხანის ისტორიკოსთა ცნობების მოშველიებას, მაგრამ, საერთო ჯამში, უმთავრესი წყაროს უწიქციას მისთვისაც „ქართლის ცხოვრების“ ცნობები ასრულებს, ისიც ხსენებული სქემის მიხედვით განიხილადა საკითხს. ანალოგიურია მბროსეს პოზიციაც [6].

პლ. იოსელიანი კრიტიკულადაა განწყობილი „ქართლის ცხოვრებისეული“ კონცეფციის მიმართ. მიმაჩნია, რომ მასში მოცემული თვალსაზრისი ისტორიის უბედულესი მონაკვეთების ზღაპრულ ინტერპრეტაციას წარმოადგენს: „არავითარი ეჭვი არაა, რომ ამგვარი თვალსაზრისი მოგვიანო ხანის შემოქმედების ნაყოფია, კერძოდ, იმ დროისა, როდესაც მათ ენებზე ითარგმნებოდა საღვთო წერილი“.

საინტერესოა ეთნოგენეტიკის პრობლემებისადმი ს.ბარათაშვილის მიდგომის მეთოდი. ისტორიკოსი თვლის, რომ საკითხის შესწავლისას, გარდა ისტორიული წყაროებისა, ენათმეცნიერებისა და „ფიზიოლოგიის“ (ფიზიკური თავისებურებების) მონაცემებზე უნდა იქნას გათვალისწინებული. „ახლანდელ დროში – მიუთითებდა იგი – ენათცოდნა და ფიზიოლოგია უმტკიცეს საშუალებად მიაჩნიათ რომელიმე ხალხის დასაწყისის გამოკვლევისათვის, მაგრამ გამოკვლევის ამგვარ სახსარს ჯერ არა აქვს ფეხი მოკიდებული (ჩვენში – დ.მ.)“. ს.ბარათაშვილის ამ თვალსაზრისის შესახებ ცნადირაძე წერს: „მართალია, ქართველთა ეთნოგენეზისის ბარათაშვილისეული კვლევა თანამედროვე მეცნიერებისათვის მისაღებად ვერ ჩაითვლება, მაგრამ აღსანიშნავი ის არის, რომ იგი საკითხს იკვლევდა მეცნიერული მეთოდების გამოყენებით, ეს კი ხელს უწყობდა ჭეშმარიტი მეცნიერებისაკენ მიმავალი გზის გაკვლევისას“ [8]. კვლევის ამგვარი მეთოდიკა მართლაც ყურადღების ღირსია.

შესაბამის მონაცემთა სიმწირეს, აგრეთვე „ქართლის ცხოვრების“ მონახაზის მიღების დამკვიდრებულ პრაქტიკას ისტორიკოსი, საბოლოოდ, ქართველთა წარმომავლობის „დაბადებისეული“ კონცეფციის ძირითადი ასპექტების გაზიარებამდე მიჰყავს, ამ მოტივაციით თვლის იგი ქართველ ტომებს სამხრეთიდან მოსულად, ხოლო ვივიენ მარტენის დასკვნების ზემოქმედებით ქართველი ხალხი ეთნიკურად ინდოეპეტური წარმომავლობისად მიიჩნია [2].

ბერძნულ-რომაული წყაროების ანალიზით დარწმუნებული ვართ, რომ თავის ნაშრომში „ეტნოგრაფიული განხილვა ძველთა და ახალთა კაპადოკიის ან ჭანეთის მეკიდრთა მოსახლეთა“ (ქართულად თარგმნა და 1877 წელს „ივერიის“ ფურცლებზე დასტამბა იტალიელმა მეცნიერმა) მიიღოს დასკვნამდე, რომ შავი ზღვის სამხრეთ-აღმოსავლეთი ნაწილი უძველესი დროიდანვე უნდა ყოფილიყო ქართველთა მონათესავე ტომების დასახლებული ადგილი. ამ თვალსაზრისს იგი ახსნის იგივე ტომების მონაცემთა ბაზაზე ცდილობს გაარკვიოს სხვადასხვა ხალხის წარმომავლობის, განსახლებისა და ნათესაობის საკითხები.

დარწმუნებული ვართ, რომ „შეცვლილი ისეთი კომპლექსისა, როგორც არის ნარატიულ წყაროთა სინთეზური ანალიზი, თავისთავად წარმოადგენდა უაღრესად მნიშვნელოვან სამეცნიერო გამოკვლევას. ავტორის მიერ მოცემული წინა აზრის ეთნიკურ-გეოგრაფიული დახასიათება და არაერთი თვალსაზრისის (მაგალითად, ქართველურ ტომთა ნათესაობის შესახებ) დღესაც სავსებით მიღებული უნდა ჩაითვალოს.

XIX საუკუნის მეორე ნახევრიდან ქართული ისტორიოგრაფია უკვე წმინდა მეცნიერული მონაცემთა ათვისებით, ბუნებრივად – ქართული საისტორიო მწერლობის ცნობების სათანადო ანალიზის გზით ცდილობდა ეთნოგენეზის საკითხების კვლევას. თანამედროვე მეცნიერული ცოდნის გათვალისწინებით უდგებოდნენ ისინი კაცობრიობის განსახლების პირველადი კერების დადგენის პრობლემას. ასეთად დ.ბაქრაძე ზემო აზიას თვლიდა [4]. იგი მიუთითებდა, რომ იქვე უნდა მომხდარიყო მიწათმოქმედებისა და მეცხოველეობის, მარტივი ხელოსნობის თვით რკინის მეტალურგიის საწყისი ფორმების ჩასახვა. ხოლო მიგრაციის გამოწვევით მიზეზებად იგი აღნიშნული ტერიტორიის ბუნებრივ-კლიმატური პირობების ხშირ ცვალებადობასა და მოსახლეობის ზრდას ასახელებს.

უშუალოდ განსახლების პროცესის დროულ-სივრცითი მიმოხილვისას დ.ბაქრაძე შემდეგ სურათს გვაჩვენებს: „სულ ძველად გავიდნენ ზემო აზიიდან ხამიტნი და დაბინადრდნენ ზოგი სპარსეთის ყურის გარშემო, ზოგი ქალღეაში, ზოგიც ნილოსის მდინარეზე. ხამიტებმა თითქმის ერთ დროს დააფუძნეს (4000 წლის წინ ქრისტეს შობამდე) სამეფოები ბაბილონში და ეგვიპტეში. თითქმის იმავე დროს დაიდრნენ თურანელი. ერთმა იმათმა ნაწილმა გაიარა კასპიის ზღვის ჩრდილო მხარე და მიმართა მცირე აზიას და ვეროპას, დანაშთენმა მიმართა სამხრეთისაკენ. . . და დასახლდა ინდოეთის საზღვრად ატროპატენაში (ადერბაიჯანში), არმენიაში. . . სემიტნი მიჰყვნენ თავიანთის მონათესავეთა ნავალს და დაუკავშირდნენ იმათ, ბოლოს კი იმპლაგრეს და დაიმონავეს ანუ ამოსწყვიტეს ივინი ქალღეაში, ასსირიაში, პალესტინაში და არაბისტანში“ [4].

ვეროპული ისტორიოგრაფიული აზრისა და წყაროთმცოდნეობითი მონაცემების გათვალისწინებით, აგრეთვე – ბიბლიურ გადმოცემათა შესაბამისი ინტერპრეტაციის საფუძველზე განსახლების უპირველეს არეალად უკვე წინა აზიას ასახელებს მ.ჯანაშვილი, და, მართალის სიფრთხილით, მაგრამ მაინც ამ არეალში მოიაზრებს სამხრეთ კავკასიასაც („დროება“, 1883, №2).

უშუალოდ ქართველ ტომთა პირველსაცხოვრების განსაზღვრისას იმდროინდელი ქართული საისტორიო აზრი მიგრაციის თეორიას ადგა.

ამ საკითხს სიფრთხილით ეკიდებოდა დ.ბაქრაძე. იგი თვლიდა, რომ აუცილებელ მონაცემთა, კერძოდ, არქეოლოგიურ გამოკვლევათა, წერილობით, მით უფრო – დოკუმენტურ წყაროთა საფუძველიანი შესწავლის გარეშე ძნელია კონკრეტული დასკვნების გამოტანა. „ისტორიის წინა-დროთა არქეოლოგია ჩვენ რომ გამოკვლეული გვექნოდეს – შენიშნავდა მკვლევარი – შეიძლება იმათ ყოფი-ცხოვრებას, დამოკიდებულებას ერთისა მეორესთან და უცხო ტომ-ნათესავეებთან შეხებებიყავით, მაგრამ ამ შემთხვევაში ძალიან ნაკლებად ვართ“ [5].

და მაინც, უცხოელ ორიენტალისტთა (ძირითადად ლენორმანის) შრომებზე დაყრდნობით, აგრეთვე არსებულ ნივთიერ მონაცემთა საფუძველზე დ.ბაქრაძე ცდილობს მოგვცეს ამ ურთულესი საკითხის სათანადო მეცნიერული გააზრება. ქართველი ხალხის გენეზისს იგი მიგრაციის თეორიის პრინციპებიდან გამომდინარე იკვლევს – თვლის, რომ მისი ჩამოყალიბება კავკასიაში არ მომხდარა, რომ მისი ეთნოგენეზის ფორმირებაზე განსახლების თავდაპირველ არეალშივე – ზემო და შუა აზიაში ძლიერ ზეგავლენას ახდენდნენ სემიტური, ქამიტური და ინდოევროპული წარმომავლობის ტომები [4].

შომდგომარეობა ეტაპზე, დ.ბაქრაძის აზრით, ქართველი ტომები უკვე ფორმირებული ეთნიკურ-კულტურული სახით მცირე აზიაში სახლდებიან. მათ რიგს აკუთვნებს ისტორიკოსი თუბალებს, მუშქებს, ტიბარენებს, ხალიბებს, ტაოხებს და სხვა ტომებს [3]. საბოლოო ჯამში კი ქართული საისტორიო გადმოცემების, უწინარესად – „ქართლის ცხოვრების“ მონაცემთა საფუძველზე ისტორიკოსი შემდეგ დასკვნას აკეთებს: „იმ ძველ დროდამ, რომელზედაც ქცხბას შერჩენია თავის მესხიერებაში ცნობა, საქართველოდ იგულისხმება ის კავკასიის-აქეთა სივრცე, რომელიც უწინ შეიცავდა ნაწილს ალბანისს, იბერიას, კოლხიდას, მესხეთს და სტრატონის ტოქსუას ანუ ტაოს-კარს. ეს სივრცე იყო მთელი ბასსენი მტკერისა, დელე-მინდვრებით, ჩრდილოეთ არაგვისა, სამხრეთით ხრამისა ანუ ქციისა, ჩრდილო-დასავლეთით ბასსენი: რიონისა იმის შტოებით, ინგურისა და კოდორისა ვიდრე გაგრამდე. ამ სივრცეზე ყოფილა გავრცელებული თვით ქართველი ნათესავი ენები, რომელთაც ძველადვე შეადგენდნენ: ახლანდელი ქართული, მეგრული, ლაზური და სვანური“ [5]. აქ ბაქრაძე განსახლების მესამე საფეხურზე საუბრობს, როდესაც მცირე აზიაში დამკვიდრებული ქართველი გვარ-ტომობა თანდათანობით ჩრდილოეთით ინაცვლებს.

ქართველი ხალხის წარმომავლობისა და განსახლების საკითხის გარკვევას საგანგებო შრომა მიუძღვნა ა.ხახანაშვილმა – „მცირე აზიაში ქართველთა განსახლების უძველესი საზღვრები“ (1900). ავტორი შეეცადა ძველდროსაველი და ანტიკური ცნობების ლინგვისტურ და არქეოლოგიურ მონაცემებთან შეჯერების გზით მოეცა წინა აზიაში (პონტო-კაპადოკია-ურარტუ) ქართველი ტომების განსახლების საზღვრების მონახაზი.

ხოლო კავკასიაში ქართული გვარ-ტომობა ა.ხახანაშვილის აზრით უნდა დამკვიდრებულიყო დაახლოებით VII საუკუნეში ქრისტეს შობამდე. „ასურელ და სომეხ ტომთაგან გამოძევილი უწინდელი მათი გავრცელების საზღვრებიდან VII საუკუნიდან ჩვენს ერამდე უკუიქცნენ ჩრდილოეთისაკენ ცალკეულ გჯუფებად და გვარებად“. საკითხის ანალოგიურ გადაწყვეტას იძლევა მ.ჯანაშვილიც.

იტალიელმა მეცნიერმა მონათესავეთა ნავალს და დაუკავშირდნენ იმათ, ბოლოს კი იმპლაგრეს და დაიმონავეს ანუ ამოსწყვიტეს ივინი ქალღეაში, ასსირიაში, პალესტინაში და არაბისტანში“ [4].

საარსებო გარემოს სპეციფიკით განპირობებულ სიტყვებსა და გამოთქმებს. იგი სწორად თვლიდა, რომ ერის მეტყველებაში თავისებურად აისახება ქვეყნის წარსული, ხალხის თავგადასავალი. ქართულ ენაში საამისო მაგალითს იღია სიტყვა წყალთან დაკავშირებულ ფორმებში (წყალობა, მოწყალება, შეწყალება, საწყალო, ...)

უმოწყალო და სხვ.) ხედავს, რაც აფიქრებინებს მას, რომ ჩვენს შორულ წინაპრებს უფრო სამხრეთით, ცხელ და უწყლო მხარეში უცხოვრიათ [10].

იჭავჭავაძე ასეთ დასკვნას არა მარტო ენობრივ მასალაზე დაკვირვებით აკეთებდა, არამედ მისი დროის ისტორიკოსებზე დაყრდნობითაც: „მას აქეთ, რაც ღურსმულმა წერილებმა თავისი გული გადაუშალა მეცნიერებს წასაკითხად, რაულინსონის, ტაღობტის, პინსკის და ოპერტის წყალობითა, მას აქეთ, რაც ლენორმანმა და ამ ბოლო ხანებში სულ ოთხი წელიწადიც არ არის – სეისმა ვანთან ნაპოვნი ღურსმული წერილები გამოარკვიეს, – ეჭვი აღარავისა აქვს, რომ ქართველთა უძველესი დედა-ბინა, სხვათა შორის, არმენიაც ყოფილა, ე.ი. ვანის ტბისა და არარატის ადგილები არზრუმითურთ. . .“ [10].

საერთოდ უნდა აღინიშნოს, რომ იჭავჭავაძის ვარაუდი ქართველების „არმენიიდან“ გადმოსახლების შესახებ უფრო ახლოს დგას სიმართლესთან, ვიდრე მისი დროის ისტორიოგრაფიული აზრი, რომელიც ხშირად ქართველთა უძველესი განსახლების კერად ბევრად უფრო შორულ ადგილებსაც ასახელებდა. მაგ: სვიროსოვი თვლიდა, რომ ძვ.წ. XI-X საუკუნეებში კავკასიაში ბრინჯაოდან რკინის კულტურაზე გარდამავალი ეტაპი უცვლად წარმოშვეს შუა აზიიდან შემოჭრილმა ტომებმა. ე.შანტრეს თვალსაზრისით, კავკასიაში მესოპოტამიიდან უნდა მომხდარიყო ტომთა დიდი ნაკადის შემოჭრა, ხოლო ჯდე-მორგანი კავკასიაში ბრინჯაოს კულტურის ჩინეთიდან შემოსვლის ვარაუდს გამოთქვამდა, ან ქართველ მოსახლეობას ინდოევროპულ წარმომავლობას უძებნიდა.

მეორეს მხრივ, საინტერესოა ის ფაქტიც, რომ ილია ენის ლექსიკურ მარაგშიც ეძებდა უძველესი წარსულის გარკვეულ კვალს.

ილიას თვალსაზრისით ახლოს დგას იგოგებაშვილის პოზიცია, რომელსაც ქართველ ტომთა თავდაპირველი სახლობის არეალი კავკასიის სამხრეთ ნაწილებში (უფრო – სამხრეთ-დასავლეთით – შავზღვისპირა რეგიონში) ეგულებოდა [7].

თანამედროვე საქართველოს სამხრეთით მდებარე რეგიონებიდან უცხო ხალხთა მოძალების შედეგად ქართველ ტომთა თანდათანობით გადმოსახლების აზრს იზიარებდა გ.წერეთელიც [9].

არსებითად იგივეა ზ.გულისაშვილისა და პ.მირიანაშვილის მიერ „ივერიის“ (1901, №№137-222) ფურცლებზე გამოქვეყნებული სამეცნიერო წერილების აზრი. კერძობითი მნიშვნელობის დებულებებიდან კი ჩვენი ურადლება მიიქცია პ.მირიანაშვილის მსჯელობის იმ ნაწილმა, სადაც იგი იგ.ჯავახიშვილის მსგავსად, ტერმინ „ქართუს“ „ქალდიდან“ – აქალდეადან“ წარმოებულად თვლის და შესაბამის მხარეს მიიჩნევს ქართველთა პირველ საცხოვრისად.

განსხვავებულია და ჩვენთვის განსაკუთრებით საყურადღებო ე.მირიანაშვილის წერილის „მცირე შენიშვნა მესხეთის შესახებ“ („ივერია“, 1900, №132) იდეა. აქ პირველად ვხვდებით ქართველი ხალხის ავტოხთონობის თეზისის აღიარებას. ავტორი სადავოდ არ ხდის და მთლიანად იზიარებს მოსაზრებას ქართველური ეთნოსის კავკასიაში თავიდანვე მკვიდრობის შესახებ: „მეცნიერთა აზრით, პირველი მემკვიდრე კავკასიისა ყოფილა ქართველთა მოდგმა, დაყოფილი სხვა-და-სხვა თემებად. უმთავრესი მათგანი: ხეთები, ნაირები, აღაროდინები, მოსოხები (მესხები), თუბალები და სხვ. ამათ სჭერიათ ძველადვე მთელი სივრცე (კავკასიის ქედის სამხრეთით) კასპიის ზღვიდან შავ ზღვამდე, მცირე აზია და თვით ის ადგილ-მიდამოც, სადაც შემდეგში სომხებს დაუარსებიათ თავიანთი სამეფო“.

ქართველ ტომთა ეთნოგენეზის საკითხით დაინტერესებული უცხოელი ისტორიკოსებიც (რვიროსოვი, ე.შანტრე, ჯდე-მორგანი და სხვ.), ძირითადად მათი სამხრეთ ტერიტორიებიდან გადმოსახლებას უჭერდნენ მხარს.

მიგრაციული პროცესების გარკვეულ გამოძახილს ხედავდნენ მკვლევარები ძველ ქართუს საისტორიო მატინაეში – ლეონტი მროველის „ქართლის ცხოვრებაში“ და „მოქცევაი ქართლისაიში“ მოთხრობილ ამბებში. მაგალითად, იგ.ჯავახიშვილი მროველის თხზულებაზე საუბრისას მიუთითებს, რომ „ერთ-ერთი უმთავრესი ღირსება ამ ნაშრომისა არის ის, რომ აქ დაცულია ცნობა ქართველთა სამხრეთიდან მოსვლისა“.

როგორც ვხვდებით, XIX საუკუნისა და XX საუკუნის დამდეგის ქართველი ისტორიოგრაფია (მათ შორის იგ.ჯავახიშვილიც) ძირითადად ქართველი ხალხის სამხრეთიდან მოსვლის იდეას ავითარებდა, რასაც მაშინდელი მეცნიერული ცოდნის დონე და არქეოლოგიური მასალის სიმწირე განაპირობებდა.

თანამედროვე ისტორიოგრაფიული კონცეფციები ძირითადად ქართველი ხალხის ავტოხთონობის თვალსაზრისს ადგას, ხოლო განსახლების საერთო გეოგრაფიული არეალის კონტექსტში კულტურულ-ეთნიკური კერების თანდათანობით ჩრდილოეთით წანაცვლების თეზისით (ეს აზრი ყველაზე მკაფიოდ ს.ჯანაშიას მიერ არის განვრცობილი) არსებითად არ ირღვევა კავკასიაში ქართველი ხალხის უძველესი მკვიდრობის კონცეფცია.

### ლიტერატურა

1. ბაგრატიონი თ. ისტორია დაწყებითგან ივერიისა. პეტ., 1848.
2. ბარათაშვილი ს. საქართველოს ისტორია, რგ. 1, ქუთ., 1895.
3. ბაქრაძე დ. საქართველოს ისტორიული მიმოხილვა. რგ. 1, თბილისი, 1870.
4. ბაქრაძე დ. ახალი გამოკვლევა (ისტორიის წინა დროებაზე. . .) თბილისი, 1881.
5. ბაქრაძე დ. ისტორია საქართველოსი. თბილისი, 1988.
6. ბროსე მ. საქართველოს ისტორია. 1900.
7. გოგებაშვილი ი. თხზულებანი. ტ.5, თბილისი, 1957.
8. ნადირაძე გ. XIX საუკუნის მეორე ნახევრის ქართული ისტორიული აზროვნება (ს. ბარათაშვილი), თბილისი, 1988.
9. წერეთელი გ. ჩვენი ძველი გმირები. თბილისი, 1898.
10. ჭავჭავაძე ი. ნაწერების სრული კრებული. ტ.5, თბილისი, 1927.